

kibaru

mali cikèlaw ka lakanitasèbèn
san filanan - nimòrò 14 - awirili kalo - san 1973

cikèlakanitasèbèn sanyèlèma seli kèra nisòndiya ye mali bée kònò

foli ni barikada

marisi kalo ille 10 ani 11, kibaru sanyèlèma seli kèra. a ye bée jigi fa, a ye bée nimisi wasa, a ye bée nisòndiya. n'i y'a ye, o kèra, o sababu bòra dòw de la.


a sababu bòra aw de la fòdò, aw minw kèra kibaru sìnsibere ye.

o kò, a sababu kèra aw ye, aw minw bòra jamana fan tan ni naani bée la, ka na kògòni kè nyènajè in na.

a sababu kèra aw ye, an balima-musow minw bée bamakò kinw na, aw minw ye hin mögò nalen ninw bée ladon konyuman. ji ma dèsè u la, woro ma dèsè u la, sigarati ma dèsè u la. foyi ma dèsè u la. u yèrè de y'a fò.

a sababu kèra fano faso ka ciyakèdaw ye, minw y'u se ko damayira kè ka faso ka kibarudiso dèmè ni bolomafara ye.

bée lajèlen, cè ni muso, denmisèn ni mögökòròba, faso ka ciyakèda ni kènyèrèye, aw ni ce aw ka wale nyuman na, aw ni baraji aw ka gan-nyia nyuman na. wale nyuman sara ye foli ye. an b'aw fo. an b'aw wale nyuman dòn.



sanyèlèma seli in nyènajèw kèra nin dugu labènnèn in kònò, ntolatan yòrò la, min tògò dalen bée mamadu konate la

baara nyuman ni kunkòròta

cikèlakalitasèbèn sanyèlèma seli nyènajèw bée kéra sababu ye, ka bèn ni kelenya sinsi malidenw ni nyògòn cè. a y'a jira duguba kònò mògòw la, ko cikèla t'a yèrè kelen ye, a bë bée de ye, nyènajè ninw y'an kunkòròta, ka caman fara an danbe kan. u y'a jira ko kalan suguya bée bë se ka kè an ka kanw na. bawo kunkòròta sèbèn dilalen bamanankan na, o dira duguw ma, ani mògòw ma, minw cèsirilen don su ni tile, k'an ka kanw sèbènni sabati.

nin nyènajèw sen fè, nisondiyafèn dira minw ma, olu filè nin ye :

balikukalan na

fòld : nyònò km 26 (segu) ye petòròmakisi 1 sòrò, ani lanpa 1 ni kògò kilo 125.

filanan : mûrugula (kita) ye petòròmakisi 1 sòrò, ani lanpa 1 ni kògò kilo 110.

sabanan : jalakòrò jitumu (bamakò) ye petòròmakisi 1 sòrò, ani lampa 1 ni kògò kilo 100.

naaninan : zigena (kilela, kucala) ye petòròmakisi 1 sòrò, ani lanpa 1 ni kògò kilo 80.

duurunan : baribe fòld (moti) ye petòròmakisi 1 sòrò, ani lanpa 1 ni kògò kilo 75.

kibaru kalanni na

fòld : golobilaji (kita) ye petòròmakisi 1 sòrò, ani lanpa 1 ni kògò kilo 125.

filanan : joni (bananba) ye petòròmakisi 1 sòrò, ani lanpa 1 ni kògò kilo 110.

sabanan : nceso (kucala) ye petòròmakisi 1 sòrò, ani lanpa 1 ni kògò kilo 100.

naaninan : baribe dugu (moti) ye petòròmakisi 1 sòrò, ani lanpa 1 ni kògò kilo 80.

duurunen : nyònò km 26 (segu) ye petòròmakisi 1 sòrò, ani lanpa 1 ni kògò kilo 75.


balikukalan karamògòya la

fòld : sidi dante (nyònò km 26) ye kòrifurakè ponpe 1 sòrò, ani lanpa 1 ni tigèlan 1, ani bagi mètèrè 15.

filanan : seyidu tarawele (golobilaji) ye kòrifurakè ponpe 1 sòrò, ani lanpa 1, ni tigèlan 1, ani bagi mètèrè 10.

sabanan : mamadu balo (nceso) ye furamuguyuguyugu masin 1 sòrò, ani lanpa 1, ni tigèlan 1, ani bagi mètèrè 10.

naaninan : mamadu danbèlè (jòndugu, joyila) ye furamuguyuguyugu masin 1 sòrò, ani lanpa 1, ni tigèlan 1, ani bagi mètèrè 10.
duurunan : sumayila tangara (baribe dugu, moti) ye furamuguyuguyugu masin 1 sòrò, ani lanpa 1, ni tigèlan 1, ani bagi mètèrè 10.



kibaru laseli la

fòld : ya tangara (kucala) ye lanpa 1 sòrò, ani furamuguyuguyugu masin 1 sòrò, ani tigèlan 1, ni bagi mètèrè 20.

filanan : mamadu kulubali (welesebugu) ye lanpa 1 sòrò, ani tigèlan 1, ni bagi mètèrè 15.

sabanan : bubakari si (kita) ye lanpa 1 sòrò, ani tigèlan 1, ni bagi mètèrè 10.

naaninan : namori banba (falajè) ye lanpa 1 sòrò, ani tigèlan 1, ni bagi mètèrè 10.

hakililasèbènni na

fòld : seku umaru tarawele, ka bò kòlokani, o ye saribilenni 1 sòrò, ani taafe 1.

filanan : seku jabatè (bamakò) ye bagi mètèrè 20 sòrò, ani taafe 1.

sabanan : amadu ture (bamakò) ye bagi mètèrè 15 sòrò, ani taafe 1.

naaninan : sada sisòkò, kibarulasela (bamakò) ye bagi mètèrè 10 sòrò, ani taafe 1.

taafe 15 ni gaari pakati 3 dira balikukalan kuntigi kelen kelen bée ma u k'a tila u ka yòrò musow ka kallanso nyumanw cè.

taafe 15 ni gaari pakati 5 dira gawo fòlikèmusow ma.

nisondiyafèn dilenw


nin ciyakèdaw de ye nisondiyafèn ninw bée di :
somtex, n'o ye faso ka jagokè sèriwusi ye.

comatex, n'o ye bagidila izini ye, segu.

itema, n'o fana ye bagidila izini ye, bamakò.

scaer, n'o ye sèriwusi ye bamakò, min bë cikèminènw feere walima k'u jurudon cikèlaw la.

hakililasèbènni :
dò bè dò dòn
dò t'o dòn



ne ni aw don, aw min ma "i" kalan,
 nka n'aw tè, "i" kalan tè taa nyè.
 ne tun ko ko n'bè aw fo,
 nka aw fo cogo tun tè ne bolo.

ni kuma nana, an b'a fò,
 n'o tè, aw bè se ka fo cogo di sa ?
 aw tè se kà fo k'a da kun de kan.
 barisa, n'i mògò nyògòn y'i faga,
 i tè se k'i ta sara tugun.
 o tuma na,
 n'i mògò nyògòn b'a yèrè faga i ye,
 i tè se k'o fo dè.
 o bée n'a ta,
 a y'aw jò, n'k'aw fo dè.
 cikèlaw, aw ni ce,
 ko ni marifa diyara,
 mugutigi tè dònya.

nyògòn dèmè

an y'aw laddoniya ko nyinan balo
 dèse kumbèn kama, gòférènaman ye
 suman nyini kò kan, k'a sòrò.

o suman donini na sa, ka se mali
 fan bée kònò, hali bi dèmè sira la,
 jamana caman y'u se ko kè mali ye.

alimanw ye pankurun fila singa an
 ma. irisiw ye pankurun fila ci an ma.
 an bè bi bi in min na, nin pankurunw
 bée bée suman doni na, ka gawo ja-
 mana magèn. o tuma, suman bè se



kabin'o tuma,
 tuma min ni mali ye kibaru sigi,
 jama jè fèn,
 n'a yèrè ka hakili kelen ye,
 denmisèn naani fana ye
 dòkòtòrò kalan sinsi an faso kònò.

i bè se ka wari di jamana kònò den
 ma,
 o bè ban, daamu t'o la yòrò si.
 nka, o n'a ta o ta,
 n'i ye dònniya d'u ma,
 o b'u yèlèn ka taa,
 fo dan tè yòrò min na.
 cikèlakalitasèbèn,
 e de y'o dònniya ye.

cikèlaw tògò la,
 a kalanbagaw tògò la,
 ani a kanubagaw yèrè tògò la,
 o tuma na, kibaru, ne b'i fo,
 o tuma na, kibaru, ne b'i fo.

nin sababu la, ala m'a kèra,
 aw ka se.
 ka cikèlaw bée kè kelen ye
 farafinna kònò.

o tigi ye hakilintan ye,
 min t'a kè ka tèmèn
 a fa bolo nò kan.

sekú umaru tarawele, kolokani

gawo sani samiyè ka se. bawo yen
 jamana siraw taama ka gèlèn o waati la.

an balimaw, a y'aw jija

ka suman

yuruguyurugu feere

dabila.

komite militèri ye sariya ta suman
 yuruguyurugu feerebagaw kama.

o sariya ko :

e mògò o mògò, n'i ye suman yu-
 ruguyurugu feere, walima ka suman
 yuruguyurugu feerebagaw dèmè, i
 bè nyangi ni kasò ye, min bè se k'a
 ta san 1 na fo san 5. i bè alamani
 sara, min kasabi bè se k'a ta dòròmè
 60 000 la fo dòròmè 600 000. o bée
 kò, i ka suman minènen bè bila faso
 ka mara la.

gunjurunbò

foro gunjurunman man nyi.
 cikèminèn si tè se ka baara
 nyuman k'a kònò.



n'i b'a fè ka saricikè kè, i
 wajibiyalen don ka foro gun-
 runw bée bò.

nka, kana si ni nèrè ni man-
 gorò bò.

dugukolo jumèn gunjurunw
 ka kan ka bò ?

dugukolo nyuman, min tè
 jiginjigin kan.



gunjurunw dun ka kan ka bò
 cogo di ?

i b'u kòròla sen, ka nyè ni
 daba ye, fo santimètèrè 30.
 i bè diliw bée tigè.

foro mana suma ka ban, gun-
 jurunbò bée se ka kè tuma bée,
 nka, a ka nògòn fobòda de fè.

cikèlakalitasèbèn sanyèléma seli kèra nisóndiya ye mali bée kònò



Kalan so

dònkili: kibaru


kibaru bòra, n'balimaw !
 kibaru bòra mögökòròbakalan ye.
 kibaru bòra, n'balimaw !
 kibaru bòra malidenw ye.

kibaru kun ye mun de ni mun de ye?
 kibaru kun ye jamana kunnafoni ye.
 kibaru kun ye mun de ni mun de ye?
 kibaru kun ye sèn è cogo kuraw ye.
 kibaru kun ye mun de ni mun de ye?
 kibaru kun ye bana jugu kumbènw ye.

kibaru bòra, n'balimaw !
 kibaru bòra mögökòròbakalan ye.
 kibaru bòra, n'balimaw !
 kibaru bòra malidenw ye.

n'balimaw minw bè sèn èkè yòrò la,
 kibaru kèra aw kalamèn è ye.
 n'balima minw ye mögökòròbakalan kè,
 a y'aw dege kibaru kalan na !
 n'balima minw ye mögökòròbakalan kè,
 a y'aw muso dege kibaru kalan na !
 n'balima minw ye mögökòròbakalan kè,
 a y'aw balimaw dege kibaru kalan na !

kibaru kèra kalamèn è ye,
 kibaru kèra kalan ka kalamèn è ye.



nyènajèw kèra cogo min na

juma don, sinimanbò kèra su fè,
 sibiri don, sògòma da fè, baro kèra balikukan ni cikèlakalitasèbèn
 jò yòrò kan, faso ka nyètaa la.

wula fè, nyènajèw dayèlèla kolo-nèli musa tarawele fè.

su fè, nasaradònba kèra segu burufiyèlaw ni sikaso taw fè.

kari don lakansara tuma, dònkilida nyènajè kèra segu burufiyèlaw ni sikaso taw fè, ani mali garamusow ni garacèw fè :

natènènjè kamisòkò ye "wara" da.


maramu kuyatè ye "bènbaliya" da.

awa daramè ye "zansurun" da.

farika ye "yirinyeje" da.

dawuda sangarè ye "cèfòli" da.

su fè, mali ereziyòn wòdòrò fòlikèla minw nana seli in na, o kelen kelen y'i ka dònsen dò jíra jama na. wande kuyatè ni ami koyita fana ye dònkilii da.



dunanw jigi yòròw

kayi jiginna ntomikòròbugu.
 bamakò jiginna wòlòfòbugu bolibana.
 sikaso jiginna nyarèla.
 segu jiginna bamakòkura.
 moti jiginna misira filanan na.
 gawo jiginna bagadaji ani kènzanbugu.

an ka foli nyuman ni wale-nyumàndòn bè nin kinw musow yé. ala k'u sara.